



Na osnovu Zakonika Kraljevine Bosne i međunarodnog prava, a u uslovima proglašenog vanrednog stanja, i s obzirom da su neodgovorni segmenti vlade SAD-a uključujući Centralnu obavještajnu agenciju protivno Dejtonskom ugovoru, međunarodnom pravu, kao i Zakoniku Kraljevine počeli smatrati i lažno predstavljati protektorat BiH kao "federalnu republiku" iako on to očito nije i ne može biti čime se nastoji omogućiti i/ili prejudicirati disoluciju Bosne (BiH) što bi s obzirom na okolnosti dovelo do destabilizacije Bosne (BiH) i regiona, te potcrtavajući strateški značaj pretvaranja slabosti protektorata BiH u snagu Bosne, donosim *intra vires*

## Odluku o postavljenju Vicekralja Podbosanskog i uspostavi monarhije po modelu Kraljevine Belgije

1. **U ime naroda** i po pravu suverenog monarha (Kralja) Bosanskog, **postavljam** Velikog Vojvodu Milorada pl. Dodika za **Vicekralja Podbosanskog** (*The Viceroy of Sub-Bosnia*) sa međunarodnopravno uobičajenim diplomatskim i unutrašnjim ovlastima **vicekralja** (potkralja) odnosno **kraljevog proktora** osim prava plemićenja (uplemićavanja; isplemićavanja), nad teritorijom Bosne (Bosne i Hercegovine; BiH) uključujući entitete protektorata BiH "Federaciju BiH" i "Republiku Srpsku" direktno, osim teritorije "Brčko Distrikt" koju/i ovim proglašavam i Kraljevskim posjedom a nad kojom/im Kralj Bosanski prava ne prenosi nikako i nikom;
2. Odluke Vicekralja Podbosanskog koje se istovremeno tiču oba entiteta protektorata BiH, **smatraće se odlukama koje se tiču cijele Bosne (BiH)**, i odnosiće se po automatizmu i na Brčko Distrikt jednako kao i njegove odluke koje se na cijelu Bosnu (BiH) odnose eksplicitno;
3. Vicekralj Podbosanski **zamjenjuje u cijelosti i predstavlja Kralja Bosanskog**, isključivo u uslovima proglašenog vanrednog stanja i stvarne ili formalne spriječenosti Kralja Bosanskog da ostvaruje apsolutno pravo na puni suverenitet odnosno da rukovodi cijelom Bosnom (BiH) pri čemu takva spriječenost neodređenog trajanja postoji u vrijeme donošenja ove odluke;
4. U uslovima iz prethodne tačke, Vicekralj Podbosanski **vlada samostalno**, pažljivo i u skladu s načelima pravednosti i humanizma, pri čemu Oružanim snagama Bosne (BiH) **komanduje** na svim njenim nivoima kao i nad svim strukturama oružanih snaga u Bosni (BiH), i to vojno-strateški, bezbjednosno i operativno, pri čemu je zaštićen **apsolutnim imunitetom** od bilo kakve istrage ili sankcije, a za svoje postupke odgovara isključivo Kralju Bosanskom;
5. **Obaveze Vicekralja Podbosanskog**, pored redovnih dužnosti vicekralja odnosno kraljevog proktora zasnovanih na međunarodnom pravu i običajima, su prvenstveno:
  - a. Ukidanje u što kraćem roku svih institucija protektorata Bosna i Hercegovina, pojedinačno ili grupno, s ciljem prelaska iz dejtonskog protektorskog u samostalni rojalistički poredak (Kraljevine Bosne) pod suverenitetom Kralja Bosanskog i po modelu Kraljevine Belgije;
  - b. Uspostava u što kraćem roku Kraljevine Bosne po modelu Kraljevine Belgije, i to isključivo sa Zakonikom Kraljevine Bosne odnosno Aktom o Konstituisanju Kraljevine Bosne od 21.8.2010, kao polaznom osnovom u značajnoj mjeri;
  - c. Hitno sprečavanje nastupanja pravnih posljedica svakog neodgovornog ponašanja a naročito domaćih rukovodilaca protektorata BiH njihovim nedopustivim pristajanjem na ili potpisivanjem međunarodnih sporazuma kojima se u znatnoj mjeri umanjuje ili prestaje suverenitet Bosne bilo vanjski ili unutrašnji (kao što su: državno razgraničenje; pružanje garancija stranim licima o strateškom planiranju u domaćim sektorima finansija, odbrane i pravosuđa; i dr.), pri čemu su neki od takvih sporazuma "Ugovor o razgraničenju s Crnom Gorom", "reformaska agenda", "mehanizam koordinacije", i dr.;
  - d. Hitno rješenje statusa Bosanske Kraljevske Porodice na načine i mjerama kako su takvu pravnu materiju uredile i riješile Crna Gora i Srbija, kao i na dr. načine, pri čemu rečeno rješenje statusa ne smije biti manjeg, istog ni zanemarivo većeg obima i značaja od navedenih načina i mjera;

6. Ovom odlukom prenijeta **ovlaštenja su neograničena u obimu i vrsti**, odnose se na sve segmente društva uključujući javno informisanje i finansije, i podrazumijevaju sve suverene i nadsistemske metode i mjere uključujući prisilu gdje god to Vicekralj Podbosanski ocijeni za neophodno pa i za **raspuštanje organa i struktura protektorata Bosna i Hercegovina**;
  7. Svi državljani Bosne (BiH), a naročito plemstvo i ostali pojedinci razvijene patriotske svijesti i osjećanja prema našoj zajedničkoj domovini Bosni (BiH), dužni su bezrezervno pomoći u postizanju cilja iz tačke 10 ove odluke. U tom smislu su dužni Vicekralju Podbosanskom na raspolaganje staviti sebe i sve kapacitete kojima privatno ili službeno raspolažu, kao i sve kapacitete kojima upravljaju i one pomoću kojih upravljaju. Takođe su dužni prihvatiti i sve odluke i mjere Vicekralja Podbosanskog očito usmjerene ka postizanju cilja iz tačke 10 ove odluke, kao visokoobrazovanog politikologa i dokazano najsposobnijeg lidera u Bosni (BiH), **bespogovorno i uz dužno poštovanje kao i samom Kralju Bosanskom**;
  8. Odredbe prethodne tačke naročito se odnose na odgovorne službenike i uposlenike svih organa vlasti protektorata BiH i u Bosni (BiH), svih nivoa i bez obzira na vlastita patriotska osjećanja, politička i dr. ubjeđenja i uvjerenja, ili na stavove o istim;
  9. Ova odluka predstavlja cjelovit dokument i izraz moje slobodne volje odnosno **Kraljevskog prerogativa** u namjeri za preuzimanjem pune suverene vlasti nad Bosnom (BiH);
  10. Cilj ove odluke je **stvaranje uslova za postizanje unutrašnjeg dogovora** o konstituisanju monarhije po rečenom modelu, i to između mene i mog naroda a putem najvećeg mogućeg broja narodnih i viđenih predstavnika iz svih segmenata društva i svih krajeva Bosne (BiH), u konferencijsko-saborskom i plenarnom odlučivanju iza zatvorenih vrata konsenzuski i uz najveću suzdržanost od remetilačkih stavova, a sve bez bilo kakvog učešća ili miješanja očito stranih interesa i lica bez obzira na okolnosti i postojanje ili mogućnost kakvog pritiska;
  11. Vicekralj Podbosanski će u korištenju svojih proktorskih ovlasti **koristiti isključivo domaće snage i kapacitete, ljudske i sve druge resurse**, koje po svojoj ocjeni izuzima i mobilize u ime Kralja i uz davanje pisane garancije za pravičnu naknadu odmah po uspostavi Kraljevine Bosne, i neće nikad i ni pod kojim okolnostima u rečenom postupanju i za rečenu namjenu ni tražiti ni primati bilo kakvu pomoć ili savjete od susjednih država ili njihovih očitih zastupnika;
  12. Ova odluka ni na koji način ne dovodi u pitanje postojanje nižih nivoa vlasti unutar poretka protektorata BiH, kao prelazno rješenje do uspostave rojalističkog poretka Kraljevine Bosne.
- Ova odluka/ukaz stupa na snagu u 00:01 GMT, i traje do uspostave kraljevine po rečenom modelu.

Sročeno na Bosanskom jeziku u Sarajevu, ovog 26-og dana mjeseca jula 2015 godine.

U punom i jedinom suverenitetu i nad Bosnom i nad svom Ilirijom:

Digitalni potpis: /DR.SC. MENSUR OMERBAŠIĆ/

KRUNA

**Njegovo Veličanstvo Kralj Bosanski i sveilirski**

(International styling: *His Majesty King of Bosnia and All of Illyria*)

**Dr. Mensur pl. Omerbašić Berislavić Nemanjić Boričević, vojvoda dubočki i grof srebreniški**

*Comes Illyricum. Rex Bosniae. Dux Dubocsaczi*



Kraljevski pečat Kraljevine Bosne, i Pravi suvereni dinastijski grb Vladara i njegovih interesa, i Grb svih ilirskih zemalja

Bosanska Kraljevska Porodica, pp. 1, Sarajevo, Bosna | [www.kraljevskaporodica.ba](http://www.kraljevskaporodica.ba) | [www.royalfamily.ba](http://www.royalfamily.ba) | [dvor@bosnianroyalfamily.org](mailto:dvor@bosnianroyalfamily.org)